



**A8-0021/2019**

23.1.2019

**\*\*\*I**  
**TUARASCÁIL**

ar togra le haghaidh cinneadh ó Pharlaimint na hEorpa agus ón gComhairle chun go bhféadfar leanúint de na cláir um chomhar críochach PEACE IV (Éire-an Ríocht Aontaithe) agus An Ríocht Aontaithe-Éire (Éire-Tuaisceart Éireann agus Albain) i gcomhthéacs tharraingt siar na Ríochta Aontaithe as an Aontas Eorpach  
(COM(2018)0892 – C8-0512/2018 – 2018/0432(COD))

An Coiste um Fhorbairt Réigiúnach

Rapóirtéir: Iskra Mihaylova

(Nós imeachta simplithe – Rial 50(1) de na Rialacha Nós Imeachta)

### ***Eochair do na siombailí a úsáidtear***

- \* An nós imeachta comhairliúcháin
- \*\*\* Nós imeachta an toilithe
- \*\*\*I An gnáthnós imeachta reachtach (an chéad léamh)
- \*\*\*II An gnáthnós imeachta reachtach (an dara léamh)
- \*\*\*III An gnáthnós imeachta reachtach (an tríú léamh)

(Braitheann an cineál nós imeachta ar an mbunús dlí a mholtar sa dréachtghníomh.)

### ***Leasuithe ar dhréachtghníomh***

#### **Leasuithe ó Pharlaimint na hEorpa arna leagan amach in dhá cholún**

Léirítear téacs atá scriosta le ***cló trom iodálach*** sa cholún ar chlé. Léirítear téacs atá curtha in ionad téacs eile le ***cló trom iodálach*** sa dá cholún. Léirítear téacs nua le ***cló trom iodálach*** sa cholún ar dheis.

Sa chéad líne agus sa dara líne den cheanntásc a ghabhann le gach leasú, sonraítear an chuid ábhartha den dréachtghníomh atá á breithniú. Má bhaineann leasú le gníomh atá cheana ann agus go bhfuil sé i gceist é a leasú le dréachtghníomh, bíonn an tríú líne i gceanntásc an leasaithe ina sonraítear an gníomh atá cheana ann agus bíonn an ceathrú líne ann ina sonraítear an fhoráil den ghníomh sin is mian le Parlaimint na hEorpa a leasú.

#### **Leasuithe ó Pharlaimint na hEorpa i bhfoirm téacs comhdhlúite**

Aibhsítear téacs nua le ***cló trom iodálach***. Léirítear téacs atá scriosta trí leas a bhaint as an tsiombail **■** nó cuirtear líne tríd an téacs. Léirítear téacs atá curtha in ionad téacs eile tríd an téacs nua a aibhsíú le ***cló trom iodálach*** agus tríd an téacs atá á ionadú a scriosadh nó trí líne a chur tríd. Mar eisceacht air sin, ní aibhsítear athruithe atá go hiomlán teicniúil agus ar athruithe iad a rinne na ranna dréachtaithe nuair a bhí an téacs críochnaitheach á ullmhú.

## CLÁR

### Leathanach

DRÉACHTRÚN REACTACH Ó PHARLAIMINT NA hEORPA .....	5
RÁITEAS MÍNIÚCHÁIN .....	6
AN NÓS IMEACHTA - COISTE FREAGRACH .....	7



## DRÉACHTRÚN REACTACH Ó PHARLAIMINT NA HEORPA

**ar togra le haghaidh cinneadh ó Pharlaimint na hEorpa agus ón gComhairle chun go bhféadfar leanúint de na cláir um chomhar críochach PEACE IV (Éire-an Ríocht Aontaithe) agus An Ríocht Aontaithe-Éire (Éire-Tuaisceart Éireann agus Albain) i gcomhthéacs tharraingt siar na Ríochta Aontaithe as an Aontas Eorpach (COM(2018)0892 – C8-0512/2018 – 2018/0432(COD))**

**(Gnáthnós imeachta reachtach: an chéad léamh)**

*Tá Parlaimint na hEorpa,*

- ag féachaint don togra ón gCoimisiún chuig an bParlaimint agus chuig an gComhairle (COM(2018)0892),
  - ag féachaint d’Airteagal 294(2) agus d’Airteagal 178 den Chonradh ar Fheidhmiú an Aontais Eorpaigh, ar dá mbun a thíolaic an Coimisiún an togra do Parlaimint na hEorpa (C8-0512/2018),
  - ag féachaint d’Airteagal 294(3) den Chonradh ar Fheidhmiú an Aontais Eorpaigh,
  - tar éis dóibh dul i gcomhairle le Coiste Eacnamaíoch agus Sóisialta na hEorpa,
  - tar éis dóibh dul i gcomhairle le Coiste na Réigiún,
  - ag féachaint do Riail 59 dá Rialacha Nós Imeachta,
  - ag féachaint don tuarascáil ón gCoiste um Fhorbairt Réigiúnach (A8-0021/2019),
- A. de bhrí, ar chúiseanna práinne, go bhfuil údar cuí ann le dul ar aghaidh chuig an vótáil roimh dhul in éag an spriocdháta ocht seachtaine a leagtar síos in Airteagal 6 de Phrótacal Uimh. 2 maidir le prionsabail na coimhdeachta agus na comhréireachta a chur i bhfeidhm;
1. ag glacadh a seasaimh ar an gcéad léamh, lena nglacann sí ceannas ar an togra ón gCoimisiún;
  2. á iarraidh ar an gCoimisiún an t-ábhar a tharchur chuig Parlaimint na hEorpa arís má dhéanann sé téacs eile a chur in ionad a thogra, má dhéanann sé a thogra a leasú go substaintiúil nó má tá sé ar intinn aige a thogra a leasú go substaintiúil;
  3. á threorú dá hUachtarán a seasamh a chur ar aghaidh chuig an gComhairle, chuig an gCoimisiún agus chuig na parlaimintí náisiúnta.

## RÁITEAS MÍNIÚCHÁIN

I gcomhréir le nós imeachta a leagtar amach in Airteagal 50 CAE, tá an Ríocht Aontaithe le tarraingt siar as an Aontas Eorpach an 30 Márta 2019. Tríd an gcaibidlíocht thángthas ar chomhaontú um tharraingt siar chun déileáil le go leor de na fadhbanna praiticiúla agus dlíthiúla le linn na hidirthréimhse: déantar foráil sa chomhaontú freisin maidir le leanúint de na cláir comhtháthaithe trasteorann idir Éirinn agus Tuaisceart Éireann.

É sin ráite, ní léir faoi láthair an ndaingneoidh an Ríocht Aontaithe an comhaontú um tharraingt siar. Chuirfeadh tarraingt siar na Ríochta Aontaithe gan chomhaontú isteach go mór ar Thuaisceart Éireann agus réigiúin teorann na hÉireann, toisc go bhfuil a stádas faoi Chomhaontú Aoine an Chéasta, lena ráthaítear suíochán, ag brath ar bhallraíocht an dá chríoch san Aontas Eorpach agus ar theorainneacha oscailte.

I gcás ina dtarraingeodh an Ríocht Aontaithe siar gan chomhaontú, is é beart tábhachtach amháin a d'fhéadfadh AE a dhéanamh ná foráil a dhéanamh maidir le maolú chun go bhféadfar leanúint de na cláir um chomhar PEACE IV agus An Ríocht Aontaithe-Éire, cláir a bhfuil ról tábhachtach acu i gcothú an dea-chaidrimh trasteorann agus trasphobail.

Tá sé mar aidhm leis an togra ón gCoimisiún cead a thabhairt go leanfaí den dá chláir sin, go dtí deireadh na tréimhse cláreagraithe reatha 2014-2020 ar a laghad. (Ní chumhdaítear na 13 chláir eile um chomhar de chuid na Ríochta Aontaithe nach bhfuil baint acu le Tuaisceart Éireann faoin eisceacht sin, agus, go teoiriciúil, cuirfear deireadh leis an maoiniú a thugtar dóibh an 29 Márta 2019.)

Baintear an méid sin amach sa togra trí fhoráil a dhéanamh go leanfaí ar aghaidh leis an maoiniú do Thuaisceart Éireann (agus do na háiteanna sin in iarthar na hAlban atá cumhdaithe i gclár um chomhar na Ríochta Aontaithe/na hÉireann) amhail dá bhforáiltear i Rialachán INTERREG (Uimh. 1299/2013). Ina theannta sin, ní bheidh feidhm ag an rialail chaighdeánach, lena bhforáiltear nach bhféadfar níos mó ná 20% de bhuiséad an chláir um chomhar a chaitheamh lasmuigh de AE, maidir leis an dá chláir sin, toisc go gcuirfí srian leis an gcaiteachas i dTuaisceart Éireann seachas sin (Airteagal 20(2)(b) de Rialachán Uimh. 1299/2013).

Beidh Comhlacht na gClár Speisialta AE fós ina údarás bainistíochta agus deimhniúcháin don dá chláir sin, agus leanfaidh Roinn Airgeadais Thuaisceart Éireann de bheith ina húdarás iniúcháireachta orthu. Tá sé beartaithe go dtiocfadh an Coimisiún agus an Ríocht Aontaithe ar chomhaontú maidir leis an mbealach a dhéanfar rialuithe agus iniúchtaí, agus tá coimircí beartaithe i gcás nach bhfuil sé sin indéanta.

Chuaigh an Coiste um Fhorbairt Réigiúnach ar mhisean go dtí Tuaisceart Éireann i mí an Mhárta 2018, agus d'ullmhaigh sé tuarascáil ar chur chun feidhme i ndiaidh sin: deimhníodh sa tuarascáil sin an tábhacht a bhaineann leis an gClár PEACE IV don saol ansin go háirithe. Dá bhrí sin, molann an Rapóirtéir go bhformheasfaí gan leasú an reachtaíocht phráinneach seo, faoin nós imeachta simplithe (Riail 50(1) de na Rialacha Nós Imeachta). Tá súil aici, ar ndóigh, go gcuirfear comhaontú uileghabhálach níos sásúla in ionad an rialacháin atá beartaithe, amhail an comhaontú um tharraingt siar.

## AN NÓS IMEACHTA - COISTE FREAGRACH

<b>Teideal</b>	Leanúint de na cláir um chomhar críochach PEACE IV (Éire-an Ríocht Aontaithe) agus An Ríocht Aontaithe-Éire (Éire-Tuaisceart Éireann agus Albain) i gcomhthéacs tharraingt siar na Ríochta Aontaithe as an Aontas Eorpach	
<b>Tagairtí</b>	COM(2018)0892 – C8-0512/2018 – 2018/0432(COD)	
<b>Dáta tíolactha chun PE</b>	20.12.2018	
<b>An Coiste Freagrach</b> Dáta a fógraíodh sa suí iomlánach	REGI 14.1.2019	
<b>Coistí ar iarradh tuairim orthu</b> Dáta a fógraíodh sa suí iomlánach	BUDG 14.1.2019	CONT 14.1.2019
<b>Gan tuairim a thabhairt</b> Dáta an chinnidh	BUDG 23.1.2019	CONT 22.1.2019
<b>Rapóirtéirí</b> Dáta an cheapacháin	Iskra Mihaylova 22.1.2019	
<b>Nós imeachta simplithe - dáta an chinnidh</b>	22.1.2019	
<b>Pléite sa choiste</b>	22.1.2019	
<b>Dáta an ghilactha</b>	22.1.2019	
<b>Dáta don chur síos</b>	23.1.2019	